

ԻՒՆԻՆԻ ՎԱՐՈՒԹԱՆ — Երկերի լիակատար ժողովածու (3 հատորով), հ. 1, Երևան, ՀՍՍՀ ԳԱ հրատ., 1986, 594 էջ:

Դ. Վարուժանի «Երկերի լիակատար ժողովածուի» 1-ին հատորն ընդգրկում է «Սարսուռներ» (1902—1905), «Յեղիս սիրտը» (1904—1909) ժողովածուները, իսկ «Ծաղկեփունջ կամ բլրակների մը նվագները» շարքը և տետրերից շրտարակված մասը («Մրկահույզ կայծոռիկներ» և «Փուշի ակոսներ»)-տեղ են գտել Հավելվածում:

Հատորն ունի նաև Տարբերակներ, Բնագրային տարբերություններ և Ծանոթագրություններ, որտեղ տեղեկություններ են հաղորդվում հեղինակի ինքնագրերի, նրա կենդանության օրոք տպագրված բանաստեղծությունների և դրանց ստեղծագործական պատմության մասին: Ժողովածուն կազմելիս օգտագործվել է նաև 1900—1915 թթ. արևմտահայ պարբերական մամուլը՝ լրագրեր, ջաթաթերթեր, տարբերքեր, զանազան հավաքածուներ:

Հատորի խմբագիրն է բան. գիտ. դոկտոր Ա. Ս. Շարուրյանը:

ՓԱՅՈՒՆ ԱՆԹՈՒՅԱՆ — Վարդան Արևելցի: Կյանքն ու գործունեությունը, գիտ. Ա., Երևան, ՀՍՍՀ ԳԱ հրատ., 1987, 385 էջ:

Աշխատության մեջ ներկայացվում է միջնադարյան Հայաստանի հասարակական կյանքի հանրագիտակ՝ առաջին, աշխարհագետ, քերական, իրավագետ, գրող, ճարտասան, թարգմանիչ՝ Վարդան Արևելցու կյանքը և գործունեությունը: Գիրքն ունի ութ գլուխ, որոնց մեջ խոսվում է Վ. Արևելցու պատմաբանասիրական, մատենագիտական, աղբյուրագիտական հետազոտությունների մասին և տրվում դրանց գիտական-գաղափարական և լեզվաոճական վերլուծությունն ու գնահատությունը:

Հատուկ ուշադրություն է նվիրված Վ. Արևելցու մանկավարժական և թարգմանական գործունեությանն ու անհատականության բացահայտմանը: Գիրքն ունի օգտագործված գրականություն, անձնանունների և տեղանունների ցանկեր:

Գրքի պատասխանատու խմբագիրն է Լ. Հ. Տեր-Պետրոսյանը:

Գ. Ե. ՊԱՎԼՈՎԱ — Մ. Վ. Լոմոնոսով: Կյանքը և ստեղծագործությունը, Երևան, ՀՍՍՀ ԳԱ հրատ., 1986, 250 էջ:

Ռուս մեծ գիտնական Մ. Վ. Լոմոնոսովին նվիրված այս գրքում օգտագործված են ռուսական գիտության հիմնադրի կյանքը և ստեղծագործությունը ներկայացնող փաստաթղթեր, որոնց միջոցով տրվում է Մ. Վ. Լոմոնոսովի գիտական հայացքների ձևավորման ընթացքը, գիտական գործունեության կապվածությունը արդյունաբերության ու մշակույթի զարգացմանը, Պետերբուրգի գիտությունների ակադեմիային, որտեղ նա անընդմեջ աշխատել է գրեթե բառորդ դար:

Գրքի առաջին մասում արտասովոր արտահայտչականությամբ բացահայտված են Մ. Վ. Լոմոնոսովի կյանքի մանրամասները, իսկ երկրորդ մասում՝ աշխարհայացքը, խոսվում է նրա կատարած գիտական հետազոտությունների մասին, ներկայացվում են ֆիզիկայի, աստղագիտության և կիրառական օպտիկայի, աշխարհագրության և օդերևութաբանության, պատմության և էկոնոմիկայի բնագավառի աշխատությունները: Հետաքրքրությամբ է ընթերցվում նաև Մ. Վ. Լոմոնոսովին իբրև բանասեր, գրող, գեղանկարիչ բաժինը:

Պատասխանատու խմբագիր՝ Ռ. Հ. Հարությունյան:

ՌՈՒՋԱՆ ՆԱՆՈՒՄՅԱՆ — Մերենց, Կյանքը և գործը, Երևան, ՀՍՍՀ ԳԱ հրատ., 1986, 218 էջ:

Մենագրության առաջին մասը նվիրված է հայ ականավոր գրող, պատմա-
ռոմանտիկական վեպի հիմնադիր, հասարակական գործիչ, հրապարակախոս
Մերենցի (Հովսեփ Շիշմանյան) կյանքին ու ստեղծագործությանը: Գրողի կյան-
քի ու հրապարակախոսական գործունեության բազմաթիվ էջեր այստեղ արժա-
նացել են խոր վերլուծության (գրողի գաղափարական հասունությունը, Մերենցը
1850—1852 թթ. հակահասունյան շարժման պարագլուխ, Զեյթունի ապստամ-
բության շրջանում, ազգային հարցի լուծման նրա բաղձանքները):

Մենագրության երկրորդ մասում ներկայացված են Մերենցի նորարարա-
կան սկզբունքները, որոնցով մեր գրականության մեջ սկիզբ է դրվել դասական
պատմավիպագրությանը: Պարզաբանվում են կլասիցիստական ողբերգություն-
ներից և ռոմանտիկական դրամայից պատմավեպի տարբերիչ գծերը, գաղա-
փայական միտումները, ազգային-սոցիալական-քաղաքական հարցերի նոր
լուծումները, որոնց մեջ արտացոլվում են ժողովուրդների պատմական առաջա-
դիմության փորձը և ձգտումը՝ տեսնել ազգը, ժողովուրդը, անհատը ազատա-
յրրված ամեն տեսակի բռնության կապալնքներից: Գիրքն ունի ծանոթագրու-
թյունների բաժին:

Գրքի պատասխանատու խմբագիրն է Վ. Ա. Կիրակոսյանը:

**«ՏԵՐՄԻՆԱԼԱՐՈՒԹՅԱՆ ԵՎ ԽՈՍՔԻ ՄՇԱԿՈՒՅԹԻ ՀԱՐՑՆԵՐ», 2, Երևան, ՀՍՍՀ
ԳԱ հրատ., 1987, 178 էջ:**

Ժողովածուում զետեղված են 12 հոդված: Դրանցում խոսվում է ժամանա-
կակից հայ գեղարվեստական արձակի լեզվի, խոսքի մշակույթի և տերմինա-
բանության արդի վիճակի ու զարգացման հեռանկարների, գեղարվեստական
գրականության լեզվում խոսակցական լեզվի տարրերի մասին, լուսաբանվում
են ժամանակակից հայերենում հարանուն բառերի ոճական կիրառության, բա-
ռագործածության ոճական սխալների, լեզվի զարգացման ցործընթացում ար-
տաքին փոխառությունների տեղի, անվանագիտական տերմինարանի, լեզվա-
պլանավորման թույլատրելի սահմանների որոշման սկզբունքների հարցերը:
Հոդվածներ են նվիրված նաև բառային նորաբանությունների, գրական հայերենի
շեշտի, գործառական ոճերի շարքում գեղարվեստական ոճի առանձնահատկու-
թյունների և նրա տեղի, հայերեն էլեկտրատեխնիկական տերմինների ստեղծ-
ման խնդիրներին: Հոդվածներն ունեն ծանոթագրություններ, համառոտագրու-
թյուններ և հապավումների ցանկ:

Գրքի պատասխանատու խմբագիրն է Գ. Վ. Վահանյանը:

ՌԻՄԱ ՇԱՆՈՒՆՑ — Մամուլի և հրապարակախոսության լեզուն, Երևան, ՀՍՍՀ
ԳԱ հրատ., 1987, 232 էջ:

Աշխատության ութ գլուխներում ներկայացվում են ժամանակակից լրա-
գրային լեզվի ուսումնասիրության պատմությունը, լրագրահրապարակախո-
սական ոճի և լրագրային ժանրերի մի քանի առանձնահատկությունները, վեր
են հանվում բառամաստային հիմնական խմբերը, դարձվածքները, գիտական
ոճի տարրերը, նորաբանությունները: Գրքում բացահայտվում են «լրագրային
ստանդարտը», «լրագրային շտամպը» և հայերենին սեփականազատ, սխալ ձևե-
րի կիրառությունները: Գիրքն ունի ծանոթագրություններ և օգտագործված նոր
բառերի ու կապակցությունների ցանկ:

Գրքի պատասխանատու խմբագիրներն են Վ. Ա. Քոսյանը և Հ. Ա. Օհան-
յանը: